



Broj: 05-40-4/21
Sarajevo, 27.01.2021. godine

Na osnovu člana 23. stav (1) tačka m) i r) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj: 75/17), člana 16. stav (1) tačka n) i t) Statuta Agencije za bankarstvo Federacije Bosne i Hercegovine („Službene novine Federacije BiH“, broj: 3/18), člana 64. stav (1) tačka b) i člana 70. stav (1) Zakona o javnim nabavkama („Službeni glasnik BiH“, broj: 39/14), člana 10. stav (1) Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), a na osnovu preporuke Komisije za javne nabavke iz Zapisnika o pregledu i ocjeni ponuda u postupku nabavke usluga, broj: 05-40-3/21 od 26.01.2021. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 05-40-3/21 od 26.01.2021. godine i ugovor za javnu nabavku usluga tehničkog savjetovanja za potrebe Agencije za bankarstvo Federacije BiH dodjeljuje se ponuđaču „EDGE“ d.o.o. Sarajevo.

Član 2.

Ukupna vrijednost ugovora iz tačke I. ove odluke za period do 31.12.2021. godine iznosi 33.550,00 KM, bez poreza na dodanu vrijednost (PDV), što u konačnici sa uračunatim PDV-om iznosi 39.253,50 KM.

Član 3.

Ova Odluka objavit će se na službenoj web stranici Agencije, istovremeno sa upućivanjem iste ponuđačima koji su sudjelovali u postupku javne nabavke, u skladu sa odredbom člana 70. stav (6) Zakona o javnim nabavkama.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

OBRAZLOŽENJE

Postupak javne nabavke predmetnih usluga pokrenut je Odlukom o pokretanju postupka javne nabavke usluga, broj: 05-40/21 od 07.01.2021. godine. U skladu s odredbom člana 7. stav (3) Pravilnika o postupku dodjele ugovora o uslugama iz Aneksa II. dio B Zakona o javnim nabavkama, ugovorni organ je pripremio i objavio Poziv za dostavu ponuda na svojoj internetskoj stranici, te istovremeno isti uputio na tri adrese. Procijenjena vrijednost nabavke utvrđena je u iznosu od 45.000,00 KM - bez poreza na dodanu vrijednost (PDV).

U skladu s odlukom ugovornog organa, imenovana je Komisija za javne nabavke Rješenjem br. 05-40-1/21 od 25.01.2021. godine, kojim su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, djelujući u okviru svojih nadležnosti i ovlaštenja, komisija je dana 26.01.2021. godine održala sastanak na kojem je izvršila pregled, evaluaciju i davanje konačne preporuke za odabir najpovoljnije ponude. Uvidom u Zapisnik o zaprimanju podnesenih ponuda, broj: 05-40-2/21 od 25.01.2021. godine, utvrđeno je da su pravovremeno pristigle 2 (dvije) ponude od strane ponuđača „EDGE“ d.o.o. Sarajevo i Instituta za građevinarstvo „IG“ d.o.o. Banja Luka.

Pregled ponuda prema redoslijedu iz Zapisnika o zaprimanju podnesenih ponuda daje se u sljedećoj tabeli:

Redni broj	Broj protokola	Ponuđač	Mjesečna naknada (bez uračunatog popusta)	Popust	Ukupna mjesečna naknada (sa popustom)
1.	05-40-2-1/21	„EDGE“ d.o.o. Sarajevo	3.120,00 KM	70,00 KM	3.050,00 KM
2.	05-40-2-2/21	Institut za građevinarstvo „IG“ d.o.o. Banja Luka	3.145,00 KM	/	3.145,00 KM

Na osnovu naprijed navedenog, komisija je nakon okončanog postupka nabavke, primjenjujući zadani kriterij najniže cijene tehnički zadovoljavajuće ponude, dala preporuku da se ugovor za javnu nabavku predmetnih usluga na period do 31.12.2021. godine, saglasno članu 64. stav (1) tačka b) Zakona o javnim nabavkama, dodijeli privrednom subjektu „EDGE“ d.o.o. Sarajevo, koji je dostavio ponudu na iznos od 33.550,00 KM bez poreza na dodanu vrijednost (PDV), koja je ocijenjena prihvatljivom, s ponuđenom cijenom koja je usklađena s procijenjenom vrijednosti nabavke.

Slijedom navedenog, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH”, broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex ante obavještenja o transparentnosti na Portalu javnih nabavki.


DIREKTOR
Jasmin Mahmužić

Dostaviti:

1. Ponuđačima u postupku: „EDGE“ d.o.o. Sarajevo i Institut za građevinarstvo „IG“ d.o.o. Banja Luka